

Starfsskilyrði fyrir brennu, stærri en 100 m³

Samræmd starfsskilyrði vegna mengunarvarna, skv. 5. gr. reglugerðar um skráningarskyldan atvinnurekstur nr. 830/2022, sbr. 7. gr. reglugerðar nr. 550/2018 um losun frá atvinnurekstri og mengunarvarnaeftirlit, með síðari breytingum.

Rekstraraðila ber ávallt að uppfylla skilyrði þessi. Einnig skal tryggja að starfsemi hans sé í samræmi við ákvæði laga um hollustuhætti og mengunarvarnir og reglugerða settar samkvæmt þeim.

1 SKILYRÐI

- 1.1** Ábyrgðarmaður brennu ber ábyrgð á því að starfsemin sé í samræmi við reglugerð um meðferð elds og varnir gegn gróðureldum sem og önnur viðeigandi lög og reglur. Ábyrgðarmaður brennu skal sjá til þess að eftirlit sé haft með bálkesti allt frá því að söfnun efnis hefst, á meðan brenna stendur yfir og þar til brenna er kulnuð og brennustæði hefur verið hreinsað.¹
- 1.2** Óheimilt er að hefja söfnun í brennu fyrr en leyfi sýslumanns liggur fyrir ásamt jákvæðri umsögn slökkviliðsstjóra².
- 1.3** Óheimilt er að kveikja í brennunni ef meðalvindur er meiri en 10 m/sek. eða ef vindátt eða veðurlag er óhagstætt að mati slökkviliðs eða lögreglu. Ef vindátt eða vindstyrkur breytist eftir að eldur er kveiktur þannig að aukin hætta er á útbreiðslu eldsins eða verulegum óþægindum vegna reyks, glóðar eða ösku, skal þegar í stað gera ráðstafanir til að slökkva eldinn.³
- 1.4** Verði notuð olía, við uppkveikju ber að halda notkun hennar í lágmarki. Eingöngu má nota olíu sem afhent er beint frá olíufélagi. Óheimilt er að nota úrgangsolíu til uppkveikju. Þá skal hella á brennuna eins skömmu fyrir uppkveikju og tök er á. Óheimilt er að hella meiri olíu á brennu sem er í „fullu báli“.⁴

¹ Rg. nr. 325/2016, 10. gr.

² Rg. nr. 325/2016

³ Rg. nr. 325/2016

⁴ Rg nr. 325/2016

- 1.5** Á brennustæði skal vera þykkur og þéttur leirkenndur jarðvegur sem getur bundið olíu og fangað þau spilliefni sem niður fara. Ef náttúrulegar aðstæður eru ekki fyrir hendi skal tryggt, t.d. með sandbornu undirlagi vel út fyrir brennustæði, að jarðvegur og gróður skemmist ekki. Meðhöndla skal undirlagið sem spilliefni.⁵
- 1.6** Leyfilegt er að brenna hreint og ómeðhöndlað timbur og pappa. Ábyrgðarmanni brennu er skylt að sjá svo um að á brennu fari ekki mengandi eldsmatur á borð við sorp, plast- og gúmmíefni (s.s. plastkassar, fiskikör, netaafskurður, bíldekk og þess háttar), málað timbur, gagnvarið efni, dósir og tunnur með fljótandi eða föstum efnum (s.s. lím- og málningarafgöngum) eða annað sem getur valdið hættulegum sprengingum. Því skal vakta brennustæði eða að takmarka aðgengi að svæðinu.⁶
- 1.7** Bálköst skal staðsetja þar sem góður aðgangur er að nægjanlegu slökkvivatni, ekki nær íbúðarbyggð en 300 m og ekki nær sjúkrastofnunum, matvælaframleiðslu eða öðrum viðkvæmum rekstri en 400 m. Bálköst skal hvorki staðsetja þar sem hætta er á að eldur eða neistaflug geti kveikt í gróðri, t.d. sinu, né í nálægð við mannvirki eða náttúruminjar sem eldur getur spillt eða grandað.⁷
- 1.8** Gæta skal ítrustu varkárni við alla meðferð opins elds og ekki skilja við hann óvaktaðan. Brennslu skal stjórnað og hún skal vera undir viðeigandi eftirliti, þar til eldur og glæður eru slökkt á þann hátt að ekki sé hætta á að eldur kvikni að nýju. Miða skal við að brenna standi ekki lengur en 4 klukkutíma.⁸
- 1.9** Öll meðferð skotelda og blysa er bönnuð nema á tímabilinu 28. desember til 6. janúar ár hvert. Við meðferð skotelda við bálkesti skal gæta þess að þeir valdi ekki hættu fyrir fólk og kveiki ekki í sinu og valdi gróðureldum. Öll meðferð skotelda skal vera í samræmi við ákvæði vopnalaga.⁹
- 1.10** Hreinsa skal brennusvæði strax á fyrsta virka degi eftir brennu. Ábyrgðarmaður skal tryggja að brennustæði sé hreinsað og að aska og önnur úrgangsefnum sé komið í meðhöndlun í samræmi við lög og reglugerð um meðhöndlun úrgangs. Tryggja skal að ekki sé hætta á foki frá brennustæði.¹⁰

2 EFTIRLIT, VALDSVIÐ, VIÐURLÖG OG ÞVINGUNARÚRRÆÐI

- 2.1** Heilbrigðisnefnd fer með eftirlit með mengunarvörnum vegna brenna skv. skilyrðum þessum, lögum og reglugerðum.

⁵ Rg nr. 325/2016

⁶ Rg. nr. 325/2016 og nr. 550/2018.

⁷ Rg nr. 325/2016, 18. gr.

⁸ Rg. nr. 325/2016, 3. gr.

⁹ Rg. nr. 414/2017, 6. gr.

¹⁰ 18. og 23. gr. rg. nr. 325/2016 og 9. gr. rg. nr. 803/2023

2.2 Rekstraraðili ber að fylgja fyrirmælum viðkomandi heilbrigðisnefndar um kröfur og starfshætti sem varða mengunarvarnir framkvæmdarinnar.

Starfsskilyrðin taka mið af bestu aðstæðum. Eftirlitsaðila er heimilt að gera frekari kröfur en mælt er fyrir um í skilyrðum þessum ef aðstæður krefja s.s. varðandi olíunotkun.

Fylgi rekstraraðili ekki ákvæðum starfsleyfis, laga og reglugerða á starfssviði sínu, eða fyrirmælum eftirlitsaðila um úrbætur, getur eftirlitsaðili beitt ákvæðum XVII. kafla laga nr. 7/1998, til að knýja fram úrbætur. Þá getur heilbrigðisnefnd upplýst Umhverfisstofnun um frávik þar sem til álita kemur að beita stjórnvaldssektum, sbr. XIX. kafli laganna.

Starfsskilyrðin eiga sér m.a. stoð í eftirfarandi lögum og reglugerðum með síðari breytingum:

- Lög nr. 7/1998 um hollustuhætti og mengunarvarnir
- lög nr. 55/2003 um meðhöndlun úrgangs
- Lög nr. 40/2015 um meðferð elds og varnir gegn gróðureldum
- Reglugerð nr. 325/2016 um meðferð elds og varnir gegn gróðureldum
- Reglugerð nr. 414/2017 um skotelda
- Reglugerð nr. 803/2023 um meðhöndlun úrgangs
- Reglugerð nr. 830/2022 um skráningarskyldan atvinnurekstur samkvæmt lögum um hollustuhætti og mengunarvarnir.

DESEMBER 2023